

1.11.2021

Portfoliouuccâlmottâs almolii saje prooseentaiduu olášutmân Avveel škovlâkuávdáš -uđâsrakânâsân

Uuccâmmonâttállâm

Portfoliouuccâm mast čuávu njuolgâtiilám.

Portfoliouuccâm uárnejejee já taaidâsaje

Aanaar kieldâ; kulttuurtoimâ já čuovviittâsuásádâh, Avveel škovlâkuávdáš. Huksimsaajeest šadda Avveel škovlâ- já kulttuurkuávdáš. Puoh škovlâhäämih ovdâmáttááttâsâst luvâttâhân puátih toimâđ siämmáa kuávdáast já lasseen soojijd kevttih ehidij ääigi kulttuurpalvâlusah tábâhtusâi orniimân, kieldâ lihâdemtoimâ kursâtoimân, uási aalmugopâttuv juávhuin já valastállâmseervih. Kuávdáš fáálá maangâpiälálijd raamijd eel-
limave pištee oppâm várás.

Rakânâs arkkitehtuurist puáhtoo oovdân já paijeentuálloo páihálâš kulttuur. Luándu já pirrâs huámmášumân vâldim sehe kilelis ovdánem ovdedem já paijeentoollâm láá rakânâs ulmeh šiev toimâm já kuulmâ páihálie sâmikulttuur paijeentoollâm já oovdânpyehtim lasseen.

Rakânâsân láá sierâ vuávájum máttááttâssajeh sâmikielâlie máttááttâs várás, mutâ kulttuur kunnijâttoo sis-
soojij ivnemaailm teemain, mii lie käävci iveäigid.

”Oppâm- já siisâpuáttimaulain uáinojeh ivneh, moh valdâleh taid iveäigijd.”

Táválij uápis neelji iveääigi sajan sâmikulttuurist iveäähigih juáhhojeh käävci sierâ uásân: puolâštálvi, cuáŋuik-
idđâ, jienâivyelgimkiđđâ, ijâttes iijâ äigi, šaddovuorkkim, ruške, ääinig já juovlâi skammâ.

Avveel škovlâkuávdáš olášuttoo eellimkiärduhaahân, moos kuleh uđâshuksim lasseen paijeentoollâm- já kev-
tteepalvâlusah 20 ive ääigi.

Taaidâtuáján lie vâridum saje Avveel škovlâkuávdáa aulast já aula pirrâ jottee robdâpanelist. Taidui vâridum
saje pirâstit portháid já tot tuáimá rakânâs uáinojejee já mitâskâs imago rähten.

Taidui vâridum saje mitoh já mallikoveh láá lahtosin.

1.11.2021

Proojeekt uásipeleh láá Aanaar kieldâ, Lehto Oy já väljejum taaidâr. Proojeekt lohtâs čovgâdávvt Avveel škovlâkuávdáá huksimprojektân. Prooseenttaaidâ kalga čuávvuđ huksejejee, saje kevttei já taidâr uáinu šiev ohtsâšibárdâsâst.

Pargo valdâlem já ulmeh

Aanaar kieldâ tiilám Prooseenttaaidâtyeji tuájoo mittotiilâmpargon Avveel škovlâ- já kulttuurkuávdázân. Olášuttem lii kieldâ, arkkiteht já huksejejee oovtâstpargo.

Prooseenttaaidâtyeje ulmen lii lasettiđ škovlâkuávdáá kevttei makkuusvuodâ já pyehtid oovdân Aanaar maangâkulttuurlii identiteet (kuulmâ sâmi kieldâ já kulttuur kieldâ). Aanaar kieldâ slogan: Vuáimálâš luándustis, puáhtá toimâđ inspiraatio kâlden taaidân. Taaidâtyeji kalga heiviđ škovlâkuávdázân vuávájum ivne- já sis- kâldâsmaailmân ollâtâsâsâš já luándulâš uáassin.

Tyeje iáhtun lii movtjidittiđ já siáilud äigittes tyeijin škovlâkuávdáá tooimâi váimusist já toimâđ soojij tobdo- merkkân sehe čivlâávuodâ čuosâttâhân. Tyeji kalga leđe kiásuttejee, mutâ siämmást árvulâš, tastko tot lii oles rakânâs puoh enâmustáá uáinojejee saajeest siisâpuáttimaulast.

Kritereh: Äigittesvuotâ, árvulâšvuotâ, Sâmikulttuur já aanaarlii kulttuur čäittim já kunnijâtem, máhđulâš ped- agooglâšvuotâ, teema tááhust luándun lohtâsejee: inspiraation puáhtá kevtteiđ arktâsii luándu, ellee- já šad- doteema.

Vátámâšah materiaaláid

Sissoojijd ráhtimnâál tyejeh kalgeh leđe ällkeht paijeentoollâđ já huolâttâskoloh kuáhtuliih, mielâstubboht tagareh, ete ij taarbâš huolâttiđ. Tyejeh kalgeh killáđ nuvt pyereest ko máhđulâš uđâsrakânâs škovlâ- já almo- lii tooimâ sehe -kiávtu. Tyeje / tuoijij materiaal kalga leđe taggaar, ete tot killáá kuhháá kiávtu.

Tyeje vuáváádijn kalga väldiđ huámmâšumán, ete seeinij ase lii seinituolbâs, mii ij killáá luis tyeje. Luis tyejeh kiddejuvvojev hiängáđ káátust, keppâ tuoijid puáhtá pieijâđ siainán. Tuáján lii väridum čuosâttâhčuovâ káátust porthái ohtâvuotân.

Äigitavlu

Portfoliouuccâm álgá 27.10. já lii joođoost 4 oho já portfolio vuolgâttuvvoo 24.11.2021 tme 15 räi.

Vuolgât mijjân jieijâđ portfoliouuccâm 24.11.2021 tme 15 räi Artcurator vuáhádâhân čujottâsâst:

<https://ivalonkoulukeskusportfoliokuva.artcurator.io/>

Avveel škovlâkuávdáá hammimkoveh, almoli taiduu soijimsaje, já saje mittoid valdâlejee amnâstuv *tun kaavnah Aanaar kieldâ škovlâi Pedanetist* <https://peda.net/inari/inarin-kunna-koulut/prosenttitaide>

Portfoliouuccâm maŋa lii 2 mp hammimmuddo, mon maŋa taaidâr tuoijuuškuát taiduu.

Tyeje tuoijuumân lii väridum 2022 kiđđâ. Tyeji kalga leđe valmâš já sesâlistum 30.6.2022 škovlâkuávdáá soojijn. Škovlâkuávdáš lekkâs uáppeid čohčâluehâmpaje aalgâst, porgemâánust 2022.

Tyeje olášutmân väridum budjet

1.11.2021

Taidâr pälkki (ana sistees oles tyeje tuoijum ”čovduuh kietân” -prinsiip miel) lii 18 000 € + 2000 € ham-mimpälkki (ana sistees oles tyeje, ađai taidârpäälhi lasseen eereeb iärrás tyejimatériaalijd, olášuttem, jođettem, kiddim sajasis, ađai ”čovduuh kietân” -prinsiip miel olášuttem). Pälkki lii siämmáš nuuvt pargojuávkun, ovtâskâs taaidârân ko meid irättejei.

Aanaar kulttuurtoimâ máksá taidârvaljim pargojuávhu mätkikoloid sehe taidâr mätkikoloid hälbimus madhâsemvyevi miel taaidâtyeje vuávâmkollimân sehe lopâlii taaidâtyeje asättem ááigán, sehe peiviruudâid.

Taidârvaljim

Taidârvaljimit váldojeh huámmášumán portfolioid, moh tevdih portfoliuccâm uuccâlmottâs kriteriijd. Porfolioid, moh láá vááijuvliih, siskeldej hammiittäsiävtuttâs teikâ puátih mañedist, iä kiedâvuš. Portfolioh kiedâvuššojeh já taidâreh väljejuvvoje uuccâlmottâsâst miäruštállum valjimvuáđđusij já muštâlum äigi-taavlu miäldásávt.

Portfoliuccâm taidârvaljiimân uásálist pargojuávkku, mii šadda čuávvo ulmuin:

- Aanaar kieldâ čuovviittäslävdikode ovdâsteijee, nomâttuvvoo čuákkimist 11/2021,
- Aanaar kieldâ kulttuurčällee,
- Avveel vyelitääsi já Avveel luvâttuv rehtoreh,
- Taiduu ovdedemkuávdáa Almolii taiduu läänitaaidâr Leevi Lehtinen,
- Ruávinjaargâ taaidâmuseo Korundi Amanuens Anniina Koivurova,
- Aanaar Nuorâiräädi ovdâsteijee (väljejuvvo roovvâdmáánust),
- Avveel vyelitääsi kovetaiduu já anarâškielâluoka máttáátteijee Tania-Maria Moilanen,
- Avveel pajetääsi kovetaiduu máttáátteijee Korinna Korsström-Magga,
- Avveel vyelitääsi uáppeekode saavâjođetteijee já Avveel pajetääsi uáppeekode saavâjođetteijee sehe Avveel luvâttuv uáppeekode saavâjođetteijee.

Jis portfoliuccâmist ij kavnuu haavâ kriteriijd tevdee taaidâr, te kieldâst lii vuoigâdvuotâ tiiláđ njuolgâ jieijâs valjim taidârist.

Kii puáhtá uuccâđ?

Portfoliuccâmân pyehtih uásálistiđ Suomâst pargee áámmáttaidâreh já taidâliih pargojuávhu, kiäin kalga leđe taidâlii porgâmân hiäivuláš škovlim já/teikâ aktiivláš já áámmátláš toimâ syergist sehe nahcâ olášuttiđ tyeje jiečánávt.

Hiättun annoo arktâsii luádu tâi Aanaar páihálij kulttuurij iberdem.

Portfolio siskáldâs

Puávdejuvvo, ete taidâreh/taidâliih pargojuávhu lahteh portfolion čuávvoid aašijd:

- Ohtâvuotâtiäđuh: šleđgâpostâčujottâs, puhelinnummeer já máhđuláš www-siijđo čujottâs (pargojuávhuin ohtâvuotâolmooš)
- Ánsuluvâttállâm (enâm. 3 siijđo/taidâr tâi pargojuávhu jeessân.
- Oovdânpyehitimtekstâ alnestis almolii taiduu rähten já vuáđustállâm, ete mondiät taat čuosâttâh kiäsut (enâmustáá 500 merkkâd).

1.11.2021

- Luodii 1-5 ovdâmeerhâ ovdebijn almolii taiduu tuojijn Tyeji-iävtuttâsah-uásán. Tuojijn kalga muštâliđ materiaa, stuáruduv, sajaduv, máhđuláš tiilájeijee teikâ uáste, ráhtimive já máhđuláš jieijâs rijnâ sääni tyejeest. Tiäddu uđđâsumos pyevtitmist já almolii taiduu tuojijn. Jis koččâmušâst lii pargojuávkun olášuttum tyeji, te jieijâs pargouási kalga valdâliđ. Toos lasseen 1-3 kove per tyeje. Tyeji-iävtuttâsân puáhtá lahteđ liŋkkân meid video tâi eres lasemateriaal, mii lii liiŋká tyeihin.
- Lasseen jieijâs tiäđoid puáhtá haalijddijn luodid eenâb almolii portfolio.

HUÁM! Portfoliuccâm ohtâvuodâst iä vala táátu tyejihammiittâsâid iäge tyeji-ideaideid koččâmušâst orroo sajan.

Portfoliuccâm maŋa

Portfoliid maneh čoodâ portfoliuccâm taidârvaljimpargojuávhust skammâmáánu loopâst, taidârvaljim tahoo 1.12.2021, mast almotteh persovnlávt sijnân, kiäh láá kuáđám portfoliuccâm. Portfoliivaljim maŋa álgá eidusâš tyeje vuávám. Portfoliuccâm čuávu njuolgâ tyejitiilám taidârist, kote lii väljejum portfolio vuáđuld. Portfoliuccâm maŋa taaidâr puávdejuvoo uápásmuđ sajan, moos tyeji puátá. Taaidâr finnee 2 mp ääigi vuáváđ já olášuttiđ vuossâmuu hammiittâs taaidâtyejeest. Hammiittâs árvuštâlloo taidârvaljimpargojuávhoin 2.2.2021.

Lopâlii pargo valjim maŋa máksoo hammiittâsmáksu, vâi taaidâr puáhtá algättiđ porgâm já olášuttiđ taaidâtyeje. Loppâmáávsuh máksojeh uáassin kiiđâ 2022 ääigi ko tyeje valmâštum ovdán.

Taaidâr čonâdât ráhtiđ tyeje valmâšin škovlâkuávdášhuksim äigitaavlui miäldásávt.

Rähteevuoigâdvuotâ

Portfolio rähteevuoigâdvuotâ siäilu taidârist. Portfoliuccâm uárnejeijest ij lah vuoigâdvuotâ kevttiđ, al-mostittiđ tâi mudoi anneeđ portfoliuccâmân kuodđum materiaal tâi tain valdum kuvviđ, ige sirded vuoigâdvuodâid ovdâskulij kuálmád uásipeelijd. Portfolio siskeldeijee rähteevuoigâdvuotâ kiävtust kalga ain sooppâđ sierâ rähtee ovdâsteijee Kuvasto rs:jn tâi rähtein.

Persovntiäđui syeji

Portfoliuccâm uárnejeijee kieđâvuš ucâmân uásalistee ulmui persovntiäđuid EU já aalmuglii tiätusyejilahâasâtem miäldásávt uuccâm olášuttem várás. Persovntiäđuid iä luovât kuálmád uásipeelijd iäge keevti eres tárguttâsâid. Persovntiäđuid noreh registeristum ulmuin alnestis portfoliuccâmân uásalistem ohtâvuodâst. Persovntiäđuh sikkojeh majemustáá, ko taaidâhaahâ lii ollásávt nuuhâm, iäge persovntiäđuh innig tarbâšuu.

Lasetiäđuid adde

Aanaar kieldâ kulttuurtoimâ Kulttuurčällee Mirja Karjalainen: mirja.karjalainen@inari.fi teikâ 040 7767546.